



Invidie buine, la mê, intal scoltâ Jacum Trevisan che mi contave dal so professôr di lenghe furlane, Mitri Gotart, di cetant ben che i le veve insegnade, di trop che i veve plasût...

Jo no vevi vût la stesse furtune, une tipe plene di stice a mi veve fat bati la lune, cundiplui vignî il pêl dret pardut... si ben che no 'nd à cuissà cetant pal cuarp!

Scuasi mi cjati a dî graciis, cumò come cumò, par dut il marum che mi 'nd à fat gloti, jê cu la sô massele uçade come la bolp, dutis lis voltis che i fasevi (cun ingjenuitât) cualchi domande. Cjoches di displasê, passât cualchi mê, mi soi iscrites (a dispiet dal parê dal gno om) a un cors di Bottega Errante. I miei trê professôrs Walter Tomada, Maurizio Mattiuzza e Franco Marchetta a mi 'nd àn regalât la gjonde plui biele di arleve, si ben i sessante e passe lunaris che mi quarti intal cûr e inte anime.

Cumò il professôr Mitri lu cognòs ancje jo e o sai a capî lis peraulis di Jacum, che a son diventadis ancje "mês", insieme aes emozions di imparâ la lenghe che simpri mi 'nd à plasût.

No pues continuâ il cors cun lui par problemis di salût dal gno om, ma o sai ce ch'al vûl dî cognossi un professôr che inte lavagne de vite dai siei arlêfs al scrîf:

INSEGNÂ = vôs dal verp (e tal cuâl) VOLÊ BEN, mût infinit.

... la lezion e jere finude, o jeri daûr a lei chestis cuatri riis di salût al professôr Mitri, in zîr in zîr de mê cjadree, i compagns di cors e lui che... cui voi ridints mi 'nd à murmuiât cun dolcece: "Aio di vaî?"

di Barbara Battel